

վեաների մօտալուստ խորտակումին իրենց իսկ ձեռքով :

Հեւ ի հեւ սպասում է եւ արտասահմանեան Ռուսիան, փախտականների այն խայտարղէտ, ուշակորոյս, անկամ եւ անղեկ բազմութիւնը, որ Ստալին-Տրոցկի բաղխումն մէջ իր հայրենիքի բախտն է փնտռում :

Կ'արդարանա՞ն արդեօք այս սպասումները :

Համայնալար լուրջ շարժումներ տեղի ունեցան եւ շատ ուրիշ երկրներում . Գերմանիա, Աւստրիա, Հունդարիա եւ Բուլղարիա փոխ առ փոխ իրենց անհնարին պարտութեան հարկը տուին պատմութեան եւ համայնալարական ծանր փոթորիկումներ տեսան : Անգլիական հսկայ սեւ գործադուլը իր հիմքում դարձեալ սովետական դրամն ու պրոպագանդն ունէր անշուշտ :

Եւ սակայն, բոլոր յիշեալ երկրներում մոսկովեան խռովութիւնը մի քանի օրում կամ շաբաթներում խեղդուեց համաժողովրդական դրոհի տակ, ու Գ. Ինտերնացիոնալի դաւադիր սադրանքները մնացին անպտուղ ու ամուլ փորձեր : Յիշատակե՞նք արդեօք Իտալիան, ուր համայնալարութիւնը ծունկի է եկել Փաշլիզի հարուածների տակ եւ Ֆրանսան, ուր հասարակական կարծիք ու կառավարութիւն մի տեսակ արհամարհոտ ներողամտութեամբ են նայում Մոսկուայի յայտնի՝ թէ՛ ծածուկ գործակալների, որքան աղմկարար, նոյնքան դատապարտուած ճիզերին յուզելու քաղաքական հրապարակը :

Կրեմլինի զիկտատորները միլիոններ վատնեցին Արեւմուտքը Արեւելքի պէս փոթորկելու համար . Գ. Ինտերնացիոնալը ռուս կիսաքաղց աշխատաւորութեան քրտինքի պտուղները չորթեց իր քաղաքական ինտրիգներն ու պրոպագանդը վարելու համար աշխարհում, եւ ամէն անգամ իր հաշիւների մէջ սխալուեց : Քաղաքակիրթ ազգերը ըմբոստ մնացին սովետական հրապոյրների հանդէպ, ու նրանց քարոզները մեռան անարձագանդ, դէթ ստուար մեծամասնութեան համար : Արեւմուտքի եւ Ամերիկայի պրոլետարիատն իսկ երես է դարձրել Մոսկուայի փրկիչներէից եւ յարել Բ. Ինտերնացիոնալին, խոյս տալով բոլշևիզմից,

ինչպէս ժանտախտից : Եւ Մոսկուայի արտասահմանեան գործակալների եւ հետեւորդների ճիգերը միանալ, մի ճակատ կազմել արտասահմանի ընկերվարութեան հետ բաղխուեցին բուն գիմադրութեան ու ձախողեցան, թէ՛ Անգլիայում, թէ՛ Ֆրանսայում եւ թէ՛ այլ երկրներում :

Այսպիսով ամէն տեղից բոլշևիզմը վըտարուում է որպէս մի անկոչ ու վտանգաւոր հիւր . բոլոր դոները փակում են այդ կասկածելի անցորդի առաջ, որ հիւրընկալ որեւէ չէ՞ք սաք կոխելուն պէս, հրդեհի է մատնում ասպնջական յարկն ու բնակութիւնը :

Մերժուած ու հալածական՝ բոլշևիզմը սակայն շատ պինդ է թառել Ռուսիայում ու դեռ շարունակում է քմահաճօրէն վարել 150 միլիոննոց ժողովուրդներին ինչպէս մտրակի տակ անքացող երիվարներ : Սովետական արտառոց բեժիմը շարունակում է գիմադրուել սպառնալի վտանգները եւ հետապնդել իր բնորոճ կարմիր ուղին, հեղնելով ամէն տրամաբանութիւն անտեսական, հասարակական ու պատմական ամէն օրէնք :

Քաղաքակիրթ բոլոր ազգերը, ի բաց առեալ շատ փոքրաթիւ աշխատաւորութիւնը, երես են դարձրել բոլշևիկներից եւ միայն ռուս ժողովուրդն է, որ անասհման համբերութեամբ ու հնադանդ՝ տանում է հակամարդկային ու խելագար բեժիմը անմոռնչ, որպէս ուխտը ուսած նոխադ : Միայն ռուս զիւղացին է, այդ յաւիտենապէս շահագործուած մութիւլը, որ իր վաստակն ու գաւակների արիւնը թողել է Մոսկուայի մի բուն արկածախնդիրների քմահաճօրէին : Միայն ռուս բանուորութիւնն է, որ իր տրոքուած ուսերով ու բզկտուած բազուկներով շարունակում է պատուար կազմել պատմութեան մէջ չը տեսնուած այս բռնութեան, որի տակ մեռնում են ե՛ւ ազատ միտք, ե՛ւ ազատ խիղճ, ե՛ւ ազատ աշխատանք . որ փչրում է ամէն ստեղծագործական կորով, բանականութեան թռիչքը սանձում, եւ կամքերը ճրկում, ծունկի բերում մի պատառ չոր հացի հագոսի առջեւ . պէտք է տեսնել, դիտել ու լսել անմիջապէս Ռուսիայից հեւ ի հեւ հասնող որեւէ մէկին որ տարիներ է անցրել սովետական բեժիմի տակ, հասկանալու համար, որ